



**REPUBLIKA E SHQIPËRISË**  
**BASHKIA PËRMET**

Nr \_\_\_\_\_ prot

Date \_\_\_\_/\_\_\_\_/2023.

**Njoftim Publik**

**THIRRJE PER APLIKIME-KËRKESË PËR TË PËRFITUAR NGA PROGRAMET E STREHIMIT SOCIAL,  
SUBVECIONI I INTERESAVE TE KREDISE**

Ne mbështetje të Ligjit Nr.139/2015 dt 17.12.2015 “Për vetëqeverisjen vendore”, Ligjit Nr.22/2018 “Për strehimin social” Vendimit nr. 453, datë 3.7.2019 “Për masën e subvencionit të interesave të kredisë dhe procedurën e dhënies së tij për familjet që përfitojnë banesë me kosto të ulët, me kredi të lehtësuara nga shteti” në kuadër të programit të kredisë së lehtësuar për strehim me 3%, Bashkia Permet ju njofton se çdo qytetar mund të aplikojë në portalin *e-albania* përmes llogarisë së tyre personale duke zgjedhur shërbimin “**Kërkesë për të përfituar nga programet e Strehimit Social**” duke ngarkuar dokumentat e mëposhtme:

**a) Për të dhëna personale të aplikantit:**

- i. certifikatë e lindjes së aplikantit, me përjashtim të rasteve specifike kur individi/familja nuk ka regjistrim në gjendjen civile;
- ii. vërtetim për vendbanimin në njësinë e vetëqeverisjes vendore, ku kërkohet strehimi social, për familjet që kanë lëvizur nga zona të tjera të vendit.
- iii. Të ketë përfituar statusin si i pastrehë me Vendim të Këshillit të Bashkisë.

**b) Për vërtetimin e kushteve të strehimit, sipas shkronjës “a”, të nenit 16, të ligjit nr. 22/2018, “Për strehimin social”:**

- i. vërtetim nga Agjensia Shtetërore e Kadastrës (Zyra Vendore e Regjistrimit të Pronave të Paluajtshme Permet) për pronat që disponohen në emër të secilit anëtar të familjes;
- ii. vërtetim nga Agjensia Shtetërore e Kadastrës (Zyra Vendore e Regjistrimit të Pronave të Paluajtshme Permet) për sipërfaqen e pronës, që zotëron familja apo ndonjë anëtar i saj, kur banesa është me sipërfaqe nën normat e strehimit në fuqi;
- iii. vërtetim nga Agjensia Shtetërore e Kadastrës (Zyra Vendore e Regjistrimit të Pronave të Paluajtshme Permet) se nuk figuron e regjistruar asnjë pronë, e cila mund të përdoret edhe për strehim, për çdo anëtar të familjes, që kanë ndryshuar vendbanim për efekt punësimi;
- iv. vërtetim nga Agjensia Shtetërore e Kadastrës që aplikanti apo çdo pjestar tjetër i familjes në moshë madhore nuk ka aplikuar për legalizim banese. (originale)
- v. aktverifikim nga njësia vendore për:
  - a. banesat në rrezik shembjeje;
  - b. rastet kur familja ka mbetur e pastrehë, si rezultat i fatkeqësive natyrore;
  - c. banesat që prishen ose përjashtohen nga procesi i legalizimit.

- vi. vendim i gjykatës për familjet që humbasin banesën për shkak të zbatimit të vendimit të gjykatës;
- vii. akt i verifikimit nga njësia vendore për familjet rome/egjiptiane, që banojnë në banesa individuale ose struktura, të cilat nuk klasifikohen si banesë.

***c) Për vërtetimin e kushteve familjare, sipas shkronjës “b”, të nenit 16, të ligjit nr. 22/2018, “Për strehimin social”:***

- i) certifikatë familjare;
- ii) vendim i gjykatës që i lë në ngarkim fëmijën ose fëmijët për çiftet e divorcuara.

***ç) Për vërtetimin e kushteve sociale, sipas shkronjës “c”, të nenit 16, të ligjit nr. 22/2018, “Për strehimin social”:***

- i. vërtetim i komisionit mjekësor të përcaktimit të aftësisë së kufizuar për individë me aftësi të kufizuara;
- ii. vërtetim përkatës nga institucioni ku ka qenë i strehuar dhe librezë e jetimit, dhënë nga institucioni shtetëror i autorizuar për individët me statusin e jetimit;
- iii. dokument që vërteton se ka mbetur i pastrehë si rezultat i lirit të banesave, ish-pronë e subjekteve të shpronësuara;
- iv. dokument i lëshuar nga institucionet përkatëse shtetërore për personat që kanë statusin “emigrant”, “punëtor emigrant” dhe “azilkërkues”;
- v. dokument i lëshuar nga institucionet përkatëse shtetërore për familjet e punonjësve të rënë në detyrë, që u përkasin Policisë së Shtetit, Gardës së Republikës, Shërbimit për Çështjet e Brendshme dhe Ankesat në Ministrinë e Brendshme, Shërbimit të Mbrojtjes nga Zjarri dhe Shpëtimit, të Forcave të Armatosura, të Shërbimit Informativ të shtetit dhe të Policisë së Burgjeve;
- vi. urdhër mbrojtjeje apo urdhër i menjëhershëm mbrojtjeje, lëshuar nga gjykata për viktimat e dhunës në familje;
- vii. vetëdeklarim nëse individi/familja i përket pakicës kombëtare rome ose egjiptiane;
- viii. dokument i lëshuar nga institucionet përkatëse për të miturit në konflikt me ligjin;
- ix. vetëdeklarim se i përket grupimit LGBTI;
- x. vërtetim me certifikatë familjare se individi i përket kategorisë vajzë-nënë.

***d) Për vërtetimin e kushteve ekonomike, sipas shkronjës “ç”, të nenit 16, të ligjit nr. 22/2018, “Për strehimin social”:***

- i. vërtetim i të ardhurave neto të familjes ose një deklaratë me shkrim nga aplikuesi për të ardhurat e familjes dhe burimin e tyre, të cilat duhet t’i bashkëlidhen dokumenteve zyrtare që e vërtetojnë atë, përfshirë vërtetimin nga punëdhënësi për pozicionin dhe pagën e aplikantit e të personave të tjerë të familjes, që janë në marrëdhënie pune;
- ii. dokument nga organet tatimore dhe ato të sigurimeve shoqërore për derdhjen e kontributeve, për të gjithë anëtarët e vetëpunësuar të familjes;
- iii. vërtetim nga zyra e ndihmës dhe përkujdesjes pranë njësive të vetëqeverisjes vendore për anëtarët e familjes të përfshirë në programin e ndihmës ekonomike dhe të pagesës për personat me aftësi të kufizuar;
- iv. vërtetim nga zyra e punësimit e njësisë vendore përkatëse për personat e përfshirë në programin e pagesës së papunësisë;
- v. vërtetim nga organet e sigurimeve shoqërore për personat në pension.
- vi. Kontratë qiraje.

dh) *Kufiri Maksimal i Kredisë/ Familje*

<b>Struktura familjare nr i personave</b>	<b>Nr max i familjeve perfitueseve ne Bashkine Permet</b>	<b>Struktura apartamentit</b>	<b>Kufiri maksimal i kredisë/familje</b>
1-2	14	Garsoniere	1.850.000
3		1+1	2.220.000
4		2+1	2.590.000
5-6		3+1	3.145.000

Afati i dorëzimit të dokumentacionit do të jetë deri më **20.02.2023**

Per cdo informacion tjetër mund te drejtoheni ne zyren e shërbimit te qytetarit ne katin e pare te godines së Bashkise Përmet

*ZYRA E STREHIMIT*